



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-424-9/25**

Datum: **14.01.2026. godine**

«Agencija za vodno područje rijeke Save» Sarajevo rješavajući po zahtjevu podnesenom od strane JP „Vodovod i kanalizacija“ d.o.o. Kiseljak za izdavanje vodne dozvole za privremeno ispuštanje komunalnih otpadnih voda u prirodni recipijent na području Općine Kiseljak, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola JP „Vodovod i kanalizacija“ d.o.o. Kiseljak za privremeno ispuštanje otpadnih voda u prirodne recipijente na području Općine Kiseljak.

Ova dozvola se odnosi na identificirane privremene ispuste:

R.br.	Opis ispusta i vrsta odvodnje	Naziv recipijenta	Naseljeno mjesto	Ø cijevi ispusta	X	Y
1	Mješoviti sustav odvodnje	Lepenica	Kulješ	Betonska 200	6512010	4858584
2	Mješoviti sustav odvodnje	Lepenica	Kulješ	Betonska 300	6511947	4858493
3	Mješoviti sustav odvodnje	Lepenica	Kiseljak	Betonska 800	6506893	4866781
4	Mješoviti sustav odvodnje	Lepenica	Kiseljak	PP korugirana 500	6507007	4867086
5	Mješoviti sustav odvodnje	Fojnica , Potok - Mlava	Dugo Polje	PP korugirana 300	6503299	4872596
6	Mješoviti sustav odvodnje	Lepenica	Kiseljak	Plastična 500	6507017	4867126
7	Mješoviti sustav odvodnje	Fojnica	Gromiljak	PE 300	6504937	4869090
8	Mješoviti sustav odvodnje	Fojnica	Podastinje	PP korugirana 200	6507274	4867383
9	Mješoviti sustav odvodnje	Lepenica	Kiseljak	Plastična 500	6506772	4866794
10	Mješoviti sustav odvodnje	Lepenica	Kiseljak	Betonska 200	6506680	4866663
11	Mješoviti sustav odvodnje	Lepenica	Poslovna zona Azapovići	DUCTIL 300	6512602	4860082
12	Mješoviti sustav odvodnje	Lepenica	Kiseljak	Plastična 800	6507003	4867110

2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:

- 2.1. Da se objekti koji čine kanalizacioni sistem na području Općine Kiseljak održavaju u ispravnom i funkcionalnom stanju u skladu sa njihovom namjenom i ovim Rješenjem.
- 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa projektnom dokumentacijom, te da se prilikom izgradnje nove kanalizacione mreže projektuje i izvodi isključivo separatan sistem odvodnje.
- 2.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće koiektore.
- 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
- 2.5. Da se obezbijedi nesmetan pristup i redovno vrši održavanje obala i korita rijeka na mjestima ispusta kolektora.

- 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtjeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
- 2.8. Da se, za vrijeme trajanja ove dozvole, vrši monitoring otpadnih voda na ispustima glavnih gradskih kolektora definisanih tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
 4. Ispuštanje otpadnih voda u rijeke ne smije ugrožavati postojeći hemijski i ekološki status recipijenata.
 5. Razmotriti mogućnost rezervisanja lokacije za planiranje postrojenja za prečišćavanje urbanih otpadnih voda, koja se treba rezervirati kroz prostorno – plansku dokumentaciju.
 6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
 7. U periodu važenja ove dozvole, Korisnik je dužan provoditi sve mjere i aktivnosti propisane istom.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica JP „Vodovod i kanalizacija“ d.o.o. Kiseljak, dana 06.10.2025. godine, podnesen je ovoj Agenciji zahtjev za izdavanje vodne dozvole za privremeno ispuštanje otpadnih voda u prirodni recipijent na području Općine Kiseljak.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Rješenje o registraciji broj: 051-0-Reg-11-001050 od 05.07.2011 godine – ovjerena kopija,
- Uvjerenje o registraciji poreznoj obveznika od 23.10.2017. izdato od strane Porezne uprave Kantonalnog poreznog ureda u Novom Travniku - ovjerena kopija,
- Rješenje o vodnoj dozvoli broj: UP1-06-21-2913/22 od 04.07.2022 godine, izdato od strane Ministarstvo poljoprivrede, vodoprivrede i šumarstva Srednjobosanskog kantona – kopija,
- Oduka o davanju na upravljanje, korištenje i održavanje komunalne infrastrukture JP „Vodovod i kanalizacija“ d.o.o. Kiseljak, broj: 01/1-04-3128/22 od 17.08.2022 godine,
- Izvještaj o ispitivanju površinskih voda 01-2-64-V/25, ZGI d.o.o Mostar,
- Popis i lokacije ispusta na teritoriji Općine Kiseljak,
- Dokaz o uplaćenju upravnoj taksi.

Uvidom u dostavljenu dokumentaciju utvrđeno je ista nepotpuna te da ovaj organ nije mogao postupiti po podnesenom zahtjevu. Dopisom broj: UP-1/21-3-40-424-2/25 od 03.11.2025. godine zatraženo je od podnosioca zahtjeva da podnesak upotpuni u roku do 20 (dvadeset) dana.

Podnosilac je dana 21.11.2025. godine dostavio dopunu dokumentacije, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj pravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22 izvršen je obilazak ispusta otpadnih voda iz kolektora i tom prilikom sačinjen zapisnik o uviđaju broj: UP-1/21-3-40-424-5/25 od 23.12.2025. godine.

Na kanalizacioni sistem općine Kiseljak kojim upravlja JP „Vodovod i kanalizacija“ d.o.o. Kiseljak, priključeno je oko 4770 stanovnika.

Za prikupljanje i odvodnju fekalnih i oborinskih voda na području općine Kiseljak izgrađeni su pojedinačni i parcijalni dijelovi kanalizacionog sistema, najvećim dijelom mješovitog tipa. Recipijent otpadnih voda su rijeke Fojnica, Kreševka i Lepenica.

Rijeka Lepenica prima mješovite sustave odvodnje sa ispusta broj 1, 2, 3, 4, 6, 9, 10, 11 i 12. U rijeku Fojnicu se odvođe mješovite otpadne vode na ispuste 5, 7 i 8.

Na lokaciji ispusta 5, Potok Mlava je zacijevljen od strane vlasnika Tibra Pacific d.o.o. te je odvodni kolektor pozicioniran ispod poslovnih objekata.

Navedeni ispusti predstavljaju privremene ispuste do izgradnje postrojenja za tretman gradskih otpadnih voda.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u prirodni recipijent a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva JP „Vodovod i kanalizacija“ d.o.o. Kiseljak, ispunio minimum uslova za dobivanje vodne dozvole za privremeno ispuštanje otpadnih voda u prirodne recipijente na području Općine Kiseljak, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 5. dispozitiva ovog Rješenja.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Adnan Bašić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP „Vodovod i kanalizacija“ d.o.o. Kiseljak, ul. Kraljice mira br. 50, 71250 Kiseljak
- AVP Sava, ISV – Vodna knjiga;
- Sektor 50,
- Sektor 40, arhiva
- oglasna ploča AVP – Sava